

Arm<sup>o</sup> 7 arm<sup>o</sup> 5 n<sup>o</sup> 4-4

*Gold Stick*



4934

CIMELIA

S.W. 404



PROCVLT ET

ADDETHALIAE CHRISTI

IN ANTIQVITATIBVS

VERBIS

ET ALIIS REBUS

et aliorum REBUS

et aliorum

Locis

et aliorum

Handwritten text, possibly a signature or initials, in dark ink, centered on the page.



PRO CVLTV ET  
ADORATIONE IESV CHRISTI,  
IN EVCHARISTIÆ SACRA-  
MENTO.

STANISLAI SOCOLOVII  
*apud Serenissimum STEPHA-  
NVM Regem habita  
Concio.*

*Ex lib. ca. Altemps. na*

CRACOVIAE,  
In Officina Lazari: Anno Domini,  
M. D. LXXXII.



PROCVLTET

LABORATIONE IESV CHRISTI

IN ETHIOPIA SACRA

MENTO

STANISLAV SOCIOLOVITZ

apud Stanislavum SOCIOLOVITZ

IV. M. Regem habuit

Casim.

Cim. Reg. 4934

*Carole. Alex. 18.*

GRACOVIA

In Officina Lazari: Anno Domini

M. D. LXXIII.

★



# REVERENDISSIMO

AC NOBILISS: ANTISTITI

*Iacobo Bielski Episcopo Lacedemoniensi,*

*Suffraganeo Plocen: &c. fautori*

*& educatori suo.*



ONCIONEM NO-  
stram pro cultu & ado-  
ratione IESU CHRI-  
STI in Sacramento Eu-  
charistię apud Serenissi-  
mum Regem meum ali-  
quando habitam: nunc

autem in hac solenni corporis & sanguinis  
Iesu Christi panegyri diligentius recognitam,  
ac ad eiusdem Iesu Christi laudem & glori-  
am, christiani autem populi ædificationem  
& consolationem editam, ad R. P. V. fauto-  
rem & educatorem meum mitto; vt sit ali-  
quod saltem testimonium & significatio  
meę perpetuę erga R. P. V. obseruantię at-  
que pietatis: illius autem erga me immorta-  
lium beneficiorum memoria extet sempiter-  
na. Neque enim dissimulare volo, quin sem-  
per libenter ybique fateor, quidquid in his

A ij

studijs



studijs profeci, quidquid ornamentorum con-  
sequutus sum, id me illius hortatu, cura ac  
studio singularique liberalitate consequutū  
esse. In qua IESV Christi alumnorum agri-  
cultura ac segete, si alij quoque longè locu-  
pletiores eodem modo elaborare vellent,  
multò maiores & vberiores profecto Eccle-  
się Dei fructus parerent; longè cultior & fer-  
tilior vinea domini exercituū appareret; lon-  
gè plures operarios haberet. Verum nos ni-  
hil præter nostra curare solemus, vtque vel  
mundo post mortem nostram terra, iuxta ve-  
tus dictum dehiscat, obitumquē nostrum o-  
bitus omnium rerum consequatur, nihili du-  
cimus. Quam mentem si maiores nostri iti-  
dem habuissent, longè deterius vel nobiscum  
ageretur, quàm nunc agitur. Tu quidem no-  
bilissime Antistes mactē ea laude esto, cui nō  
erat satis ipsum his præstantissimis virtutibus  
& doctrinis, quibus affatim abundas, esse  
præditum; nisi alios ipsis excoli curares, ac  
veluti hæredes illarum relinqueres. Quo no-  
mine te Deus omnis honestatis ac sapientię  
parens, felicem & beatum in multos annos  
conseruet; omniumquē bonorum vbertate  
augeat;



augeat; ac ex septuagenario centenarium fa-  
ciat. Ego quidem eius educationis mee no-  
mine tibi maximas apud omnes bonos gra-  
tias ago & habeo, neque vnquam agere de-  
finam; vtque maiores longè fructus studio-  
rum meorum indies decerpas; si Dominus va-  
letudinem hanc meam fractam crexerit, eti-  
am atque etiam vchementer curabo. Vale  
venerande mihiq̃ue charissime senex.

XXI. A. 2. 9

Manducaverunt & adoraverunt omnes  
gus forte in conspectu eius ceciderunt  
qui descendunt in terram.

augere ac ex seipso generis perpetuam la-  
etiam. Ego quidem eius educationis meo no-  
mine tibi maxime apud omnes bonos gra-  
tias ago de huiusmodi nequaquam agere de-  
linam, verum quoniam longe in istius studio-  
rum incertum indicis deceptus si hominibus  
seruilius hanc meam tractam crederet, cu-  
am arduum huiusmodi vehementer curabo. Vale  
et ceteris in istiusmodi christiane senten-

PSAL: XXI.

Manducauerunt & adorauerunt omnes pin-  
gues terre; in conspectu eius cadent omnes  
qui descendunt in terram.



# PRO CULTV ET ADORATIONE IESV CHRI- STI IN EVCHARISTIÆ SACRAMENTO.



*LORIOSISSIMÆ MÆ-  
morix institutionis & adora-  
tionis Corporis & Sanguinis  
Domini nostri IESV Christi  
anniuersariam festiuitatē ma-  
gno gaudio et lætitia celebra-  
mus; quem toto corde & ani-  
mo, veraq; latría, id autem est*

*vnico & proprio Dei cultu, in tam sublimi sacra-  
mento colimus atq; veneramur. Atq; hoc illud est quod nō-  
bis in loco extremæ impietatis a filijs obijcitur Belial,  
propter quod nos ex christianis idololatrias; ex populo  
Dei populum infidelem; ex filijs Dei filios æternæ ge-  
hennæ factos esse clamitant, monstrosiq; cognomini-  
bus ipsi maiora monstra consciunt. Dum nos iam  
Artolatrias, id est, panis adoratores, iam Sarcolatrias,  
id est, carnis cultores, iam Anthropolatrias, hominum  
scet adoratores appellare solent. In quo cū summus  
quasi cardo causæ versetur, in ipsiusq; Iesu Christi ca-  
stissimi & sanctissimi coniugij dedecus & contumeli-  
am, cuiusq; sanctæ & immaculatæ sponsæ conuicium  
ea res feratur; mihi dissimulandum tantum nefas nō  
putaui,*

PRO ADORATIONE

Isaia 17.

Zacha: 13.

putavi, ipsum enim sponsum accusant quasi ille thalami sui non fuerit satis diligens custos; quasi sponsam suam in foedissimum, spiritualis fornicationis idololatricæ, inquam, scelus, contra veterum vatum promissa & firma sua decreta incidere permiserit: quasi denique ipse pater omnipotens sepulchrum filij sui, quod gloriosum futurum per Isaiam prædixit, tali abominatione contaminari passus fuerit, super quod usque adhuc hoc tale sacramentum ab omnibus gentibus quæ sub cælo sunt, & qui Christi nomen gerunt, consecratur, offertur, & adoratur: aut tanquam omnino nobis alius Messias cum Iudæis expectandus sit, qui iuxta prædictionem Prophetarum non idola tantum delere debebat; sed nomina etiam idolorum, non ut adorentur modo, sed ut ne recordentur quidem homines illorum amplius. Si enim hæc Christus dominus morte & resurrectione sua non sustulit, alius certè nobis Messias expectandus erit, qui hæc auferat, quiq; ab hac foeditate vineam suam expurget. Quæ omnia cum & ipsius æterni parentis summæ providentiæ præiudicant, & Iesu Christi curam & sollicitudinem quam de sua sponsa habet diminuunt, & totā fidem christianā fœdè contaminet, & Ecclesiæ Dei eā notā inurant; qua stante ipsa sponsa Christi amplius esse nō possit: obstruendū igitur Dei præsidio os loquentiū iniqua iudicavimus, ac de ea adoratione quæ Iesu Christo in tali sacramento constituto debetur, pauca ex multis adferre oportere existimavimus:



mauimus. Proponemus igitur in primis scandala & accusationes aduersariorum: deinde totam rem per verissimas, ac quasi immediate ex sacra scriptura, totaq; analogia doctrinae sancte propositiones excerptas, vsuq; ipso veteris Ecclesiae perpetuoq; consensu concludemus: demum accusationibus aduersariorum, quantum breue feret tempus, respondebimus. Vestrum erit conatum nostrum vestra deuotione adiuuare, Christo Domino prius sublimi reuerentia, in eodem sacramento adorato.

O salutaris hostia. &c.

**QVI** Ecclesiam Dei ob cultum & adorationem huius Sacramenti accusarunt, primi erant gentiles: vt vel inde rei antiquitas cognoscatur, qui Christianos infirmulabant Bacchum & Cererem sub speciebus panis & vini adorare. Conuicium hoc fuit à nostro instituto alienissimum. Auerrois item iactatur dictum: Quoniam Christiani Deum suum quem adorant manducant: Sit anima mea, dicebat ille, cum Philosophis. Habent autem hoc proprium hæretici, vt quibus vulneribus & contumelijs quondam gentiles Ecclesiam Dei lacerabant, eadem ipsi refricent. Quod in Sanctorum inuocatione cum Iuliano (referente Cyrillo) fecerunt, in reliquijs sanctorum venerandis, cum Eunapio qui dicebat nos salitos deos colere, nunc faciunt; vt facile se ipsos prodant & in illorum se locum successisse, & eodem quo illi spiritu agitari. Hos sequuti sunt Manichæi: qui cum nihil carnis & sanguinis, sibi persuade-

Augusti. lib: 20. in faust: Cap: 15 & 16.

Cōtra Iulianū.

Eunap: in vitis Sophist.

debant, inesse sacropani & vino; dicebant à Catholicis puras creaturas adorari, & se ab ipsis iniquè accusari, quòd adorarent solem ipsum, qui esset creatura. Quin etiam, ut ex Leone Papa perspicitur, verborum Christi proprietatem de Eucharistia calumniabantur, & de ea disputare non verebantur, sed frustra. Suum tamen errorem nostro instituto, confirmabant, Deum scet per omnia esse fustum, & in omnibus partibus creaturæ adorandum. Sunt enim hæretici venenosæ araneis simillimi, qui ex omni etiam saluberrima herba, venena exitiosa ad confirmandos suos er-

Cyrl: in ex rores sugunt. Consequutus est postea Nestorius, qui  
 positione Sy- cum naturarum concomitantiam diuinæ inquam atq;  
 nodi Nicæni. humanæ in Christo negasset sicut Anthropophagiam in  
 Eucharistia asserbat, ita de Anthropolatria id est ho-  
 minis adoratione cælum et terram ut inquit Cyrillus su-  
 gillabat. Multum deinceps fuit ea de re silentium, ma-  
 ximus autem apud omnes ecclesias consensus: ita ut cū  
 de manducatione aliqua dubitatio extitisset, de adora-  
 tione nulla unquam extitit: ut ex illis verbis Petri  
 Lib: I. cap. I. venerabilis clarum est. Si ad honorandum, si ad ado-  
 randum tantummodo daretur, questio non esset: sed  
 quia etiam ad manducandum datur, non potest nos ut  
 illos quondam non mouere. Quod enim honorari quòd  
 adorari debeat, fidelibus omnibus certum est: quòd au-  
 tem comedi, quia comestionis ratio non videtur, ad-  
 mirabile, & super omnia stupendum est. Exortus est  
 tandem ante quingentos annos Berengarius, Andega-



uen: Archidiaconus, sub Leone nono Papa, homo *De gestis An*  
*ne mundi gloriæ audus, animo elatus, conuiciator in-* gloriū.  
 uictus, ut Guitmundus eius æqualis testatur, qui cum  
 præsentiam Iesu Christi in hoc sacramento negasset, ita  
 ut rei natura fert, eius adonitores idololatriæ reos esse  
 accusauit: quem tamen veritatis tandem vis inuicta,  
 & vniuersalis de hoc sacramento consensus euicit: ita  
 ut morientis verba hæc fuisse extrema ferantur: Nos  
 sanè credimus post benedictionem Ecclesiasticam my-  
 steria illa verum esse corpus et sanguinem Saluatoris,  
 adducti verbis & veteris Ecclesiæ auctoritate: Et.  
 Hodie in die apparitionis suæ apparebit mihi Domi-  
 nus meus IESUS, propter pœnitentiam, uti spero, ad  
 gloriam: vel propter alios, uti timeo, ad pœnam. Mor-  
 tuo Berengario extinctum est penitus incendiū. Quod  
 si quæ exoriebantur scintillæ, statim vi veritatis sup-  
 primebantur, donec accense sunt illæ, quibus nunc or-  
 bis terrarum accensus flagrat, faces, Carolstadius, in-  
 quam, Zuinglius, Oecolampadius, Petrus martyr, Cal-  
 uinus, & istorum primi parentes, Lutherus, Philippus,  
 Husus, Vicle-w, qui ut ceteros omnes præteriti tem-  
 poris errores ex orco conspultos excitarunt; ita & in  
 hac ipsa parte cum Rufo Dracone, contra castissimam  
 sponsam Christi ora sua aperuerunt. Qui vel quod  
 Christum dominum ex hoc sacramento penitus sustul-  
 runt; vel quod cum pane & vino simul esse docue-  
 runt; vel quod extra usum sacramentum esse nega-  
 uerunt,

uerunt; vel quòd hoc nusquam iussum, nusquam imperatum sit; vel quòd non eo fine vt colatur institutum; vel quòd ipsa sola sumptione illud satis coli putarunt; vel quòd alia sacramenta item non adorentur; vel quòd in illis locis nonnunquam est ubi indecenter colatur; nullo pacto adorandum esse docuerunt. Hæc igitur sunt scandala, hæc Draconis blasphemie, hæc aduersariorum accusationes. Quæ tamen vel ipsa illud docent, cum adorationis sacræ Eucharistiæ usum iam à primis ecclesiæ temporibus extitisse, vt quæ iam ab ipsis Gentilibus Iudeisq; sint impugnata, tum quos duces & authores isti sequantur, cum quibusq; communem causam habeant, Gentiles inquam Iudeos atq; fœdissimos hæreticos abundè indicant. Nunc quibus fundamentis ac veluti columnis subnixæ ecclesiæ Dei vera Christi sponsa, & istorum ora obstruat, & suam fidem & integritatem, ac innocentiam erga sponsum suum tueatur & vindicet, paucis videamus. Hoc autem est, axiomata quædam, id est, propositiones per se & natura sua notas ac fide dignissimas proponamus. Ex quibus illud constet, eos quidem qui sacramentum hoc colunt, ab omni idololatria alienissimos esse, vt illos qui illud profanè tractant, maiestatis diuinæ impiissimos violatores existere.

Primum igitur illud fundamentum sit, prima propositio fide dignissima. Deum, ubicunq; sit, & in quacunq; specie adorandum esse, præsertim ubi certa & euiden-



evidentia eaq; diuina sint eius præsentis testimonia. Apparuit Dominus in forma hominis deambulantis in paradiso ad aurum post meridiem, primis parentibus nostris Adæ & Eue; statimq; illi metu ac reueren- Gene: 3.  
tia perculsi, absconderunt se. Apparuit Dominus Abra-  
hæ patri omnium credentium in specie trium angelo-  
rum in conualle Mambre, quos cum tres vidisset, v- Gene: 13.  
num adonauit. Apparuit Dominus Iacob in forma  
ipsi soli cognita innixus scale, super quam ascende- Gene: 28.  
bant angeli & descendeant: surgit & adoratur, verè  
Deus est in loco isto & ego nesciebã, non est hic aliud  
nisi domus Dei, & porta cæli. Apparuit Dñs Moysi Exodi 3.  
in flamma ignis de medio rubi, quo cum liberius acce-  
dere voluisset, audit, non appropinques huc, solue cal-  
ceamentum de pedibus tuis, locus enim in quo stas, ter-  
ra sancta est. Et abscondit Moysen faciem suam, non  
enim audebat afficere contra Deum. Appariturus Do-  
minus cuncto populo in monte Sinai, in caligine nu-  
bis, sic præcepit: Descende & contestare populum, ne- Exodi 19.  
forte velit transcendere terminos ad videndum Do-  
minum, & pereat ex eis plurima multitudo. Sacerdo-  
tes quoq; qui accedunt ad Dominum sanctificentur, ne  
percutiat eos. Vade ad populum & sanctifica eos, hodie  
& cras lauent vestimenta sua, ne appropinquent u-  
xoribus suis. Omnis qui vicinius tetigerit montem,  
morte moriatur, siue homo, siue iumentum fiat, non vi-  
uet. Manus tanquam nefarium hominem non tanget,

*sed lapidibus & iaculis obruetis illum. Sic postea in Sanctis Sanctorum, sic in caligine templi, sic in arca adorari solebat, idq; ab illo populo qui ad omnem idololatriam natura effusus fuit: Neque verò tantum ea lex humanam attingit naturam; sed omnem item creaturam, maria, inquam, montes & flumina & quidquid conspicitur. Antecedebat Dominus populum suum in nube & columna ignis, & statim illud fit quod*

*Psalm: 113. Psaltes magnificè celebrat: Mare vidit & fugit: Iordanis conuersus est retrorsum. Montes exultauerunt ut arietes: & colles sicut agni ouium. Quid est tibi mare quòd fugisti: & tu Iordanis quia conuersus es retrorsum. Montes exultastis sicut arietes: & colles sicut agni ouium. A facie Domini mota est terra: à facie Dei Iacob. Qui conuertit petram in stagna aquarum: & rupem in fontes aquarum. Sed & cælum ipsum eadem obligatur lege, Deus, inquit scriptura: Cum egredieris in conspectu populi tui, cum per-*  
*Psalm: 67. transires in deserto: Terra mota est etenim cæli distillauerunt à facie Dei Sinai à facie Dei Israël. Siet igitur firma lex, Deum in omni specie & loco adorandum esse, ubi certa eius presentie testimonia & indicia extiterint.*

*Secundum causæ fundamentum illud est, IESUM Christum verum Deum & hominem esse. Fuit hæc fides principis Patriarcharum Abraham, qui mittens seniore[m] seruum domus sue querendæ uxoris causa filio*



filio suo Isaac sic inquit: Pone manum tuam subter fe- Gene : 24.  
mur meum, ut adiurem te per Deum cœli & terræ,  
ut non accipias uxorem filio meo de filiabus Chana-  
neorum. Quem in lumbis & femore gerebat, hūc De-  
um cœli & terræ vocat magno mysterio. Fuit hæc  
eadem fides magni Iob. Credo, inquit, quod redemptor Iob 19.  
meus viuit, & in nouissimo die de terra surrecturus  
sum: Et in carne mea videbo Deum saluatorem me-  
um. Quem visurus sum ego ipse & non alius, & ocu-  
li mei conspēcturi sunt. Hæc ipsa fides fuit omnium  
Prophetarum: Quare quasi colonus futurus es in ter- Ierem : 14.  
ra, inquit Hieremias, & quasi viator declinans ad  
manendum? Quare futurus es velut vir vagus &  
fortis, qui non potest saluare? Tū autem in nobis es  
domine: & nomen tuum inuocatum est super nos: ne  
derelinquas nos. Hic est Deus noster, inquit Baruch, Baruch 3.  
& non æstimabitur alius aduersus eum: hic adinue-  
nit omnem viam disciplinæ, & tradidit illam Iacob  
puero suo, & Israel dilecto suo: posthæc in terris vi-  
sus est, & cum hominibus conuersatus est. Hæc eadem  
fides est Apostolorum. Et verbum ( inquit Ioannes ) Ioan : 1.  
caro factum est, & habitauit in nobis, & vidimus  
gloriam eius, gloriam quasi vnigeniti à patre, plenum  
gratiæ & veritatis. Optabam enim ego, inquit Pau- Rom : 9.  
lus, ipse anathema esse à Christo pro fratribus meis, qui  
sunt cognati mei secundum carnem, qui sunt Israelitæ,  
quorum adoptio est filiorum, & gloria, & testamen-  
tum,

tum, & legislatio, & obsequium, & promissa, quorum patres, & ex quibus est Christus secundum carnem, qui est super omnia Deus benedictus in secula. Amen.

*Hanc eandem fidem vna sancta Catholica & Apostolica confitetur Ecclesia. Est ergo fides recta, inquit Symbolum, ut credamus & confiteamur, quia Dominus noster Iesus Christus Dei filius, Deus & homo est. Deus est ex substantia patris ante secula genitus; & homo est ex substantia matris in seculo natus. Perfectus Deus, perfectus homo, ex anima rationali et humana carne subsistens: æqualis patri secundum diuinitatem: minor patre secundum humanitatem. Qui licet DEUS sit & homo, non duo tamen, sed unus est CHRISTUS. Unus autem non conuersione diuinitatis in carnem: sed assumptione humanitatis in Deum. Unus omnino non confusione substantiæ; sed unitate personæ. Nam sicut anima rationalis & caro unus est homo: ita Deus & homo unus est Christus. Ut qui alterum istorum non confiteatur, illum aut Nestorianum, aut Ebionitam vel Arrianum esse oporteat. Quam*  
*Ireneus lib: 3. fidem magnificè explicat vctustissimus Irenæus. Si enim*  
*cap: 20. & 21.* *homo non vicisset inimicum hominis, non iustè victus esset inimicus. Rursus autem nisi DEUS donasset salutem, non firmiter haberemus eam, & nisi homo coniunctus fuisset Deo nostro, non potuisset particeps fieri incorruptibilitatis. Oportuerat enim mediatorem Dei & hominum, per suam ad v-*  
*troisque*



trofque domesticitatem, & ad amicitiam & concordiam utrosque reducere, & facere ut & DEus affumeret hominem, & homo se dederet Deo. Qua enim ratione, filiorum adoptionis eius participes esse possemus, nisi per filium eam quæ est ad ipsum, recepissimus ab eo communionem, nisi verbum eius communicasset nobis, caro factum? *Et paullo post.* Propter hoc enim verbum Dei homo, & qui filius Dei est, filius hominis factus est, commixtus verbo Dei, ut adoptionem percipiens fiat filius Dei. Non enim poteramus aliter incorruptelam & immortalitatem accipere, nisi aduniti fuisset incorruptelæ & immortalitati. Quemadmodum autem adunari possemus incorruptelæ & immortalitati, nisi prius incorruptela & immortalitas facta fuisset id quod & nos, ut absorberetur quod erat corruptibile ab incorruptela, & quod erat mortale ab immortalitate, ut filiorum adoptionem perciperemus? Vtraque scripturæ diuinæ de eo testificantur; & quoniam homo indecorus & passibilis, & super pulum asinæ ascendens, aceto & felle potatur, & spernebatur in populo, & usque ad mortem descendit, & quoniam dominus sanctus & mirabilis consiliarius, & decorus specie, & Deus fortis super nubes veniens vniuersorum iudex: omnia de eo scripturæ prophetabant. Sicut enim homo erat ut tentaretur, sic & verbum ut glorificaretur, requiescente qui-

dem verbo, vt posset tentari & inhonorari & crucifigi & mori; absorpto autem homine in eo quod vincit, & sustinet, & resurgit, & assumitur. Hic igitur filius Dei dominus noster existens verbum patris, & filius hominis, quoniam ex Maria, quæ ex hominibus habebat genus, quæ & ipsa erat homo, habuit secundum hominem generationem, factus est filius hominis. *Haëtenus Irenæus.* *Notant autem hoc loco sancti Patres, omnem honorem & adorationem, non ad aliquam naturam aut partem personæ, sed ad totam referri personam. Neque enim in homine aut solam animam rationalem, aut solam carnem colimus; sed totam personam ex anima ratione particeps & humana carne constitutam. Sic in Christo domino, non aut solam diuinitatem, aut solam humanitatem colimus; sed diuinitatem simul & humanitatem vna adoratione veneramur, quia vtraque natura vnam constituit personam. De tali adoratione dixit Psaltes:* *Et adorabunt in conspectu eius vniuersæ familie gentium. Et in alio Psalmo: Et adorabunt eum omnes reges terræ, omnes gentes seruiant illi: quia libemuit pauperem à potente, & pauperem cui non erat adiutor. Et D. Paulus. Cùm introduceret, inquit, primogenitum in orbem terrarum dicit. Et adorent eum omnes angeli Dei, quasi diceret, non tum tantum cùm esset in sinu patris; non tum tantum cùm esset in forma Dei adoratum fuisse ab angelis; sed tum etiam cùm*

*Psalm: 21.*

*Psalm: 71.*

*Hebræi.*

*Psalm: 96.*



cum introduceret, inquit, cum in orbem terrarum, hoc est per incarnationem dicit. Et adorabunt eum omnes angeli eius. Talem Ioannes in utero adomuit, indignumq; se esse dixit, cuius corrigiam calceamenti solueret. Pastores in præsepio, reges in cunis, discipuli in nauicula; Apostoli in cælum ascendentem adorant. Eum Petrus allocutus est: Domine discede à me, homo enim peccator sum. Talem Thomas Deum & Dominum suum esse professus est. Recte igitur statuit antiquum concilium: si quis non una adoratione honorificat Emanuelem, hoc est, Deum & hominem secundum quod factum est verbum caro, anathema sit.

Tertium illud est præsentis negocij fundamentum: Diuinitatem Iesu Christi ab ea quam semel accepit humanitate nunquam separari posse. Nam cum à Deo nemo nisi per ipsum peccatum separari possit, cum in eius humanitatem nullum unquam cadat peccatum, nullus error, nulla macula: Venit inquit, princeps huius mundi, & in me non inuenit quidquam: impossibile est item ullam unquam in eo separationem fieri. Docet hoc liber Sapientiæ: Cum Dei verbum, Dei sapientiam nusquam, ne in morte quidem hominem illum, in figura Iusti Ioseph deseruisse testatur. Hec venditum iustum non dereliquit, sed à peccatoribus liberauit eum: descenditq; cum illo in foueam, & in vinculis non dereliquit illum; donec afferret illi sceptrum regni, & potentiam aduersus eos qui eum depri-

Ioannis 14.

mebant: & mendaces ostendit, qui maculauerunt illum; & dedit illi claritatem æternam. Nam illa ipsa diuinitas & cum anima eius ad inferos descendit, potestatesq; tenebrarum deuicit, amplissimamq; prædam inde tulit. Et eadem diuinitas corpori in sepulchro adfuit, quæ illud & ab omni corruptione conseruauit, & postea illud ipsum corpus uiuificauit, ac ueluti arcum resolutum iterum intendit, dum suam corpori restituit animam. Docet hoc longè expressius longè clarius D. Ioannes: In hoc cognoscitur Spiritus Dei; omnis spiritus qui confitetur IESVM Christum in carne uenisse, ex Deo est: & omnis spiritus qui soluit Iesum, ex Deo non est, & hic est antichristus, de quo audistis quoniam uenit, & nunc iam in mundo est. Quis autem soluat Christum, nisi qui eius diuinitatem ab humanitate separet. Rectè igitur Aethiopes in ea adoratione, quæ ad eleuationem Sacramenti fit, dicunt: Verè hoc est corpus & sanguis Emanuel Dei nostri. Amen, Credo, Credo, Credo, & nunc & usque in secula: Et mox addunt ter item, credo, credo, credo, quod diuinitas non sit separata ab humanitate, ne horum quidem, ne per ictum oculi.

I. Ioannis 4.

I. Corin: I.

Quantum & ultimum est cause firmamentum; Sub speciebus panis et uini uerum et totum Christum contineri: do et hoc ille qui peccatum non fecit, & dolus non est inueniatur in ore eius: qui est ueritas, & uita; cui omnis impossibilitas cedit, qui stultum fecit mun-



cit mundi huius sapientiam; cuius verbum & manus est omnipotens: qui nos supra captum nostrum admauit. Et de quo Paulus illud effatur; Dei enim fili- 2. Corin: 1.  
 us Iesus Christus qui in vobis per nos prædicatus est, per me & Sylvanum & Timotheum, non fuit, in illo est, & non, sed est, in illo fuit. Neque simpliciter & utcumq; docet, sed sub quatuor testibus, ut omne constet verum. Tribus, inquit, Euangelistis, & quarto Doctore gentium Paulo; rem totam sic testes exponunt: *Cornantibus autem eis accepit Iesus panem & benedi-* Matth: 26.  
*xit & fregit: deditq; discipulis suis, & ait: Accipite, & manducate, hoc est corpus meum, quod pro vobis tradetur. Et accipiens calicem gratias egit, & dedit illis dicens: Bibite ex hoc omnes. Hic est sanguis meus novi testamenti, qui pro multis effundetur in remissionem peccatorum &c. Exaudis voces rem clarè exprimentes: Hoc est corpus meum. Hic est sanguis meus: exaudis interpretationem vocum, ne quid in se ambigui, quod pro vobis tradetur, quod pro nobis offerretur. Traditus est pro nobis Deus & homo, traditur et nobis Deus & homo. Quod si uberiorcm interpretationem audire vis, audi eundem Christum apud Ioannem latius suum testamentum interpretantem: Caro mea verè est cibus, & sanguis meus verè est potus. Qui manducat meam carnem, & bibit meum sanguinem; in me manet & ego in illo. Sicut misit me vivens pater, & ego vivo propter patrem, & qui man-*

ducat me, & ipse uiuet propter me. Hic est panis qui de cælo descendit; non sicut manducauerunt patres vestri manna & mortui sunt. Qui manducat hunc panem uiuet in æternum. Audis, in me manet & ego in eo: ipse igitur est in sacramento. Audis, qui manducat me, uiuet propter me: ille igitur ipse uiuificat. Audis, qui de cælo descendit. DEum autem uerum descendisse negare non potest, nisi Arrianus aut Ebionita esse uelis: Hucq, illud pertinet, secius, quàm isti interpretantur, hæc uerba spiritus & uita sunt. Caro non prodest quidquam, non quòd hęc non sit uera caro; sed quod cum spiritu & uita, hoc est, uero Deo coniuncta, ut quemadmodum ille uiuit propter patrem, ita & nos uiuimus propter illum; ut rectè interpretatur Cyrillus. Ex quibus locis præclare concludit magnus ille Hilarius: de ueritate, inquam, carnis & sanguinis Christi non relictus est ambigendi locus, ut illud compleatur; Et uidebit omnis caro salutare Dei, quamuis in enigmate, quamuis in speculo, quamuis in sacramento. Hactenus fundamenta.

Libri 8.  
Trinit:

Adijciamus his fundamentis ex quibus ui & natura sua sequitur, hunc ipsum Deum & hominem, qui sub eo ipso continetur sacramento, adorandum esse; Pauli doctrinā atq, ueterum patrum instituta. Pauli igitur doctrina quæ est? Dux sunt partes uniuersi cultus diuini, quem Græci latrīam appellant: Interior, inquam, cultus & exterior: Interioris cultus ille sunt partes



partes; fides, charitas erga Deum & proximum, discretio, atq; diiudicatio creatoris à rebus quæ creatæ sunt, sui probatio, puritas mentis, reconciliatio Exterior cultus illis partibus constat: Ieiunio, sobrietate, corporis puritate, loci temporis obseruantia, omni denique honesta & submissa totius situs nostri compositione, utramq; hanc partem cultus diuini ad hoc sacramentum adferendum esse docet Paulus, illudq; omni parte adorandum, idq; cum graui, æterni iudicii comminatione. Quod ita esse ut melius animaduertamus, ipsius Pauli doctrinam audiamus: Non potestis calicem Domini bibere, & calicem demoniorum: non potestis mensæ Domini participes esse, & mensæ demoniorum. Primum quidem conuenientibus vobis in Ecclesiam, audi scissuras esse inter vos; & ex parte credo: nam oportet & hereses esse; ut qui probati sunt, manifesti fiant in vobis. Conuenientibus ergo vobis in unum, iam non est Dominicam cœnam manducare. Vnusquisque enim suam cœnam presumit ad manducandum: & alius quidem esurit, alius autem ebrius est. Nunquid domos nō habetis ad manducandum & bibendum? aut Ecclesiam Dei contemnitis, & confundetis eos qui non habent? Quid dicam vobis? Laudo vos? In hoc non laudo. Et paullo post. Itaq; quicumq; manducauerit panem et biberit calicem Domini indigne: reus erit corporis & sanguinis Domini. Probet autem seipsum homo, et sic de pane illo edat, & de

I. Cor: IO.

I. Cor: II.

Et de calice bibat. Qui enim manducat & bibit indigne, iudicium sibi manducat & bibit, non diiudicans corpus Domini. Ideo inter vos multi infirmi & imbecilles, & dormiunt multi. Quod si nosmetipsos diiudicaremus, non utique diiudicaremur. Dum iudicamur autem, à Domino corripimur, ut non cum hoc mundo damnemur. Itaque fratres mei, cum convenitis ad manducandum, inuicem expectate. Si quis esurit, domi manducet: ut non in iudicium conveniatis. Cætera autem cum venero disponam. Et Pauli quidem doctrina hæc est: quæ verum cultum ipsi soli Deo debitum huic sacramento hoc quidem modo tribuit, ut audistis, modo non surda aure audiueritis. Nunc ad sanctorum Patrum doctrinam nos referamus. Quo enim spiritu locutus est Paulus aut Petrus, eodem spiritu locutus est Augustinus, Chrysostomus, & cæteri sancti Patres: Cumque omnium sententias referre minus orationis modus non ferat, quatuor solis testibus locupletissimis contenti erimus; duobus inquam occidentalis Ecclesiæ, & duobus orientalis Patribus.

Lib: 3. de spiritu sancto  
cap: 12.

Primus igitur sit testis Ambrosius: Non mediocris igitur quæstio, & ideo diligentius consideremus, quid sit scabellum. Legimus enim alibi: Cœlum mihi thronus, terra autem scabellum pedum meorum. Sed nec terra adoranda nobis, quia creatura est Dei. Videamus tamen ne terram illam dicat adorandam Propheta, quam Dominus Iesus in  
carnis



carnis assumptione suscepit. Itaque per scabellum terra intelligatur, per terram autem caro Christi, quam hodie quoque in mysterijs adoramus, & quā Apostoli in Domino Iesu (ut suprā diximus) adorârunt. Neque enim diuîsus Christus, sed vnus. Neque cū adoraretur tanquam Dei filius, natus ex Maria negabatur.

*Secundus testis Augustinus est; qui eundem locum* *In Psal. 98.*  
*trāctans eademq; verba expendens, inquit:* Et adorate scabellum pedum eius, quoniam sanctum est. Quid habemus adorare? Scabellum pedum eius. Sup pedaneum dicitur scabellum. Quod dicunt Græci *ὑποπόδιον* dixerunt Latini scabellum: & alij dixerunt suppedaneum. Sed videte fratres quid nos iubet adorare. Alio loco Scriptura dicit: Cœlum mihi sedes est, terra autem scabellum pedum meorum. Ergo terram nos iubet adorare, quia dixit alio loco, quod sit scabellum pedum Dei? Et quomodo adorabimus terram, cū dicat apertè scriptura: Dominum Deum tuum adorabis: & hîc dicit. Adorate scabellum pedum eius? Exponens autem mihi quid sit scabellum pedum eius, dicit: Terra autem scabellum pedum meorum. Anceps factus sum, timeo adorare terram, ne damnet me qui fecit cœlum & terram. Rursum timeo non adorare scabellum pedum Domini mei, quia Psalmus mihi dicit: Adorate scabellum pedum eius. Quæro quid  
D sit

fit scabellum pedum eius, & dicit mihi scriptura: Terra scabellum pedum meorum. Fluctuans conuerto me ad Christum, quia ipsum quaero hic, & inuenio quomodo sine impietate adoretur terra, sine impietate adoretur scabellum pedum eius. Suscepit enim de terra terram, quia caro de terra est, & de carne Mariæ carnem accepit. Et quia in ipsa carne hic ambulauit, & ipsam carnem nobis manducandam ad salutem dedit: nemo autem illam carnem manducat, nisi prius adorauerit; inuentum est quem admodum adoretur tale scabellum pedum DOMINI, & non solum non peccemus adorando, sed peccemus non adorando. Nunquid autem caro uiuificat? Ipse dominus dixit: cum de ipsa commendatione eiusdem terræ loqueretur: Spiritus est qui uiuificat, caro autem nihil prodest. Ideo & ad terram quamlibet cum te inclinas atque prosternis, non quasi terram intuearis, sed illum sanctum, cuius pedum scabellum est quod adoras: propter ipsum enim adoras: ideo & hic subiecit, Adorate scabellum pedum eius, quoniam sanctum est.

*Homil: 24. in  
priorē ad Cor:*

*Ex orientalibus tertius testis Chrysostomus: Hoc corpus in praesepe reueriti sunt Magi, & viri impij & barbari, longo itinere confecto, cum timore & tremore plurimo adorauerunt. Imitemur igitur saltem barbaros nos, qui coelorum ciues sumus. Illi enim cum id praesepe & tugurium tantum, neque eorum*

eorum quidquam quæ tu nunc intueris, viderunt, summa acceſſerunt reuerentia & horrore. Tu verò non in præſepe id, ſed in altari: non mulierem quæ in vlnis teneat, ſed ſacerdotem præſentem, & ſpiritum perabundè ſuper propoſito diſuſum ſacrificio vides. Nec ſimplex, vt illi, corpus intueris, ſed & eius potentiam & omnem cognofcis adminiſtrationem, & nihil eorum quæ per ipſum facta ſunt ignoras, & diligenter initiatus es in omnibus. Excitemur igitur horreſcamusque, & maiorem quàm barbari illi præ nobis feramus pietatem, vt non ſimpliciter neque frigide accedentes vehementiori igni caput obijciamus. Hæc autè non dico, vt non accedamus, ſed nè temerè accedamus. *Et in alio loco idem Chryſoſtomus: Homil: 61. ad*

Per id tempus & angeli ſacerdoti aſſident, & coeleſtium poteſtatum vniuerſus ordo clamores excitat, & locus altari vicinus, in illius honorem qui immolatur, angelorum choris plenus eſt. Id quod credere abundè licet, vel ex tanto illo ſacrificio, quod tum peragitur. Ego verò & commemorantem olim quendam audiui, cùm diceret ſenem quendam virum admirabilem, ac cui reuelationum myſteria multa diuinitùs fuiſſent detecta, ſibi narràſſe, ſe tali olim viſione dignum habitum à Deo eſſe, ac per illud quidem tempus derepentè angelorum multitudinem conſpexiſſe (quatenus humanus adſpectus ferre poterat) fulgentibus veſtibus induto-

*populum Antioch: & Homilia 3. Epheſ: Idem Lib: 6. de Sacerdotio*



rum, altare ipsum circumdantium: denique sic capite inclinatum, ut si quis milites præfente rege stantes videat: id quod facile mihi ipse persuadeo. Item & alius quidam mihi narravit, non ille quidem ab alio edoctus, sed dignus habitus, qui id & vidisset ipse, & audisset, quod qui de vita hac emigraturi sunt, si mysteriorum huiusmodi cum pura & munda conscientia fuerint participes spiritum efflaturi, ab angelis illorum corpora satellitum more stipantibus, propter assumptum illud sacrum hinc rectè in coelum abducuntur.

*Chrysostomum Damascenus sequitur.* Proinde cum omni timore & conscientia puta & indubitata fide accedamus, veneremur ipsum omni puritate corporis & animi. Accedamus ad eum desiderio ardenti manus in crucis modo fingentes, crucifixi corpus suscipiamus. Amplissimum & illud est Nicænæ Synodi testimonium quæ dicit: Non esse attendendam eam humilitatem specierum, sed fide attende agnum tollentem peccata mundi, in mensa positum & præciosum & honorandum eius sanguinem, eumque honora, mirare & mente continge. Cui quidem uniuersæ ecclesiæ consensus, adiungendus est omnium Ecclesiarum quæcunque in orbe sunt consensus ac conspiratio, orientalium (inquam) occidentalium Africanorum, ac nostrorum septentrionalium: in quarum omnium liturgis, statim post consecrationem  
magno

magno cultu et reuerentia hoc ipsum sacramentum populo adorandum proponitur. A quo perpetuo consensu recedere et vnius et alterius hominis male feriatî cōuicijs & maledictis adhærere, an nō extrema est demeritiæ? Continere me hoc loco non possum Stephane Rex, quin apud te Imperatorem maximum, hosq; tuos milites inusitato quidem exemplo, sed hoc loco maximè accommodato cuiusdam militis Gregorij Sanocei breuem dehortationem recitem, qua post deuictos Turcos Vladislao Regi militibusq; suis religioso furore percitus dissuadet, ne prolato sacramento Eucharistiæ iurent; neûe illud prophanis Turcarum oculis subijciant. Hoc enim Turcæ ad firmandam pacem, quam hac ratione sanctissimam putabant fore à Rege Vladislao exposcebant, vt vel inde sine omni fūco & fallacia cognosci possit, quo loco hoc sacramentum fieret, quàm sancte tam à Christianis quàm à Saracenis coleretur & adoraretur: Deus, inquit, Deus tam execrabile scelus auertat, vt qui pauloante contra impios pugnantes, omnia tristia, difficiliaq; perpeffi sumus, dum vincere-mus: nunc rursus pro religione armati, & propemodum victoriam manu tenentes, sacrosanctum diuini mysterij arcanum sub prophanorum oculis sponte proferamus. Quid prima, quid hac secunda expeditione à nobis petitum? quid aduò ingentem belli molem ex tam diuersis inter se regionibus Italia, Burgundia, Thracia euocare? quid denuo arma inducere? quid hucusq;

Lib. 3. Philippi Calima:

progredi oportuit, si sacra nostra prodenda erant? mi-  
 nori nostro facinore perignauiam domi inermes se den-  
 do, pati potuimus illa prophanari, quam nunc seruis  
 armati prodituri. Pudeat nos gratulationum quibus  
 nuper victores accepti; pudeat laudum, quibus, ut  
 christianæ rei seruatores prope in cælum modo rati su-  
 mus; pudeat denique obnoxios ad id nefarijs conuittio-  
 nibus, nos dignos haberi, aut in quibus totius Europæ  
 reges, & principes spes suas collocauerint, aut pro qui-  
 bus innumerales populi & nationes, omnibus in tem-  
 plis ad Deum supplices manus tendant, pro victoria  
 nostra vota nuncupando. Quanto sanctius prisci Ro-  
 mani, qui, capta à Gallis urbe, ne sacra sua conspici  
 possent, terræ infodere? Nos victores, nostri ultro  
 impijs prodere cogitamus, commitemusque, ut religiosi-  
 us ab illis inanes quædam diuinorum persuasiones ser-  
 uatæ dicantur, quam à nobis sacrosanctum immorta-  
 litatis nostræ pignus, ac mysterium; & publice nos eo  
 facinore contaminabimus, quod si unus quispiam sa-  
 crilega audacia perpetraret, seuerissime vindicaremus.  
 Omitto quantum piaculi apud Deum contrahemus,  
 qui non modo ab ipsius causa defecerimus, sed ipsum e-  
 tiam testem, ac pignus defectionis nostræ impijs exhi-  
 buerimus: quid de nobis hostes sentire poterunt, vi-  
 dentes nos tanti pacem æstimasse, ut non minus sacri-  
 lege iniuriamus, quam ipsi impudenter postulauerint?  
 Sed, ut hoc, paucis utilitas leuior videri faciat;  
 omnia,



omnia, quæ aut in nostra, aut aliorum secta, religiosa  
 alius elata sunt, quam quæ humanis sensibus attingi  
 queant, cerimoniarum velamento, sanctoq; arcano  
 mortalium animis infunduntur. Quæ si nuda in me-  
 dium protrahantur, quia nullo humanæ rationis argu-  
 mento subsistunt; & temerè aspecueri; & impudenter  
 peti, ut credantur, apparet. Audiuerè dudum ho-  
 stes, Deum à nobis præsentem coli, asperuariq; in Sa-  
 cramentorum penetralibus: & quia ignorant, quo id pa-  
 cto contingat quum de eo cogitant, nihil simile his,  
 quæ terrena, & momentanea cognoscunt, sed quicquid  
 extra mortalitatis sortem positum putant, mentibus eo-  
 rum occurrit, & id, quod quale sit nesciunt, tantæ  
 nostræ de eo aspecuationi par figurant. Nos hanc ipso-  
 rum persuasionem, patefactis arcanis nostris, corrup-  
 pemus, elatasq; ad diuina, & cœlestia de sacris nostris  
 mentes, ad caduca, & terrena reuocabimus, specie pa-  
 nis in conspectum exhibita, qua verum corpus Christi  
 contineri, ut nos quidem scienter credamus, efficit di-  
 uina institutio, gratiaq; in qua nati sumus. Quibus il-  
 li orbat quum res per se fidem non faciat, restat ut nos  
 irrideant, veluti minimè possibilia credamus. Nolite  
 per Deum committere, ut aboleatur sacer ille horror,  
 quo ipsorum animi perstringuntur in bello quum secum  
 reputant, inituros se prælium contra nos, quibus adeò  
 propitius sit Deus, ut propemodum videndus nobis co-  
 num pariter inter nos versetur. Quantum de nostra  
 deq; re-

deq; religionis nostræ maiestate hoc facto minuetur, tantum crescet apud illos audaciæ, credituros subinde, ut ipsis quidem videbatur, ex specie, quam intuebuntur, nos non modo in veri Dei tuitione non esse, sed nec in alterius cuiuspiam. Multis modis stabilitati conuentorum caueri potest (quamuis cum fidei pignus, regium verbum satis esse deberet) aliæq; inter priuatos cautiones, aliæ inter principes exhibentur. Ad extremum, relicturum se prophanata castra aserebat, si eo modo rex iurare pergeret. Itaq; quum videretur tam verè, quam è religionis è que ipsorum, quos illoquebatur usu, & maiestate dixisse: constitutum est, in confirmanda pace ut quisq; proferret in medium sacram historiam suam, quod Euangelium nostri, Alcoranum illi vocant: quibus ubi suæ quisq; dextram admouit, religiosè iuratum est, conuenta seruata iri & sancta, atque inuiolata permansura. Conferte hunc militem cum nostris huius seculi, si dijs placet, gloriosis militibus, qui hoc tale sacramentum pedibus calcare ac bestijs obijcere non verentur, pro scelus, digna posteritas genere Acacidarum: Verùm hæc hætenus.

Neque solum antiquitùs hoc adorabatur Sacramentum, sed omnes item gratiarũ actiones immortalī Deo pro eius omnibus beneficijs ad huius sacramenti oblationem, tanquam primi & summi beneficij habebant. Itaq; antequam in omnibus Ecclesijs consecratur atq; offertur, primum populus ad gratiarum actionem prouocatur;

uocatur; *Gratias, inquit, agamus Domino Deo nostro &c. Fiebantq; antiquitus gratiarum actiones pro omnibus beneficijs, quæ Deus contulerat hominibus ab iusto Abel usq; ad hanc diem, ut quidem ex Liturgia D. Clementis, Iacobi, & aliorum patet. Memoriam enim fecit in hoc sacramento Deus omnium mirabilium suorum, quæ à seculo operatus est, hoc, inquit, facietis in mei recordationem, hoc est meorum erga vos beneficiorum memoriam sempiternam. Inde q; hoc sacramentum Eucharistiæ nomine, hoc est gratiarum actionis insignitum est, cuius rationem exponit Magnus ille Cabasila. Et hoc sciens beatus Paulus iussit pro omnibus gratias agere, scribens: Semper gaudete, in omnibus gratias agite. Hac de causa perfectissimam & exactissimam nostram cum Deo colloquutionem, mysterij communionis celebrationem, in quo mentionem facimus, non huius vel illius gratiæ; sed omnium, ut semel dicam, Dei bonorum, & quæ actu nobis sunt & futura sunt; Eucharistiam, hoc est, gratiarum actionem, nominare erat consentaneum, non ex ijs, quæ in miseria versantes, & eam implorantes rogamus; sed ex ijs quæ DEUS in nos confert beneficijs: nec ex nostra paupertate, sed ex diuitijs illius benignitatis. Quia enim in ea Deo supplicamus, & gratias agimus; sed gratiarum quidem actio, Dei opus est, ut dictum est; supplicatio verò humanæ imbecillitatis: & gratiarum quidem actio*

*In expositione  
liturgiæ. cap:  
52.*

E

propter



propter plura; supplicatio verò pro paucioribus. Illa enim propter omnia, vt semel dicam, bona: hæc verò in nonnullis: propterea oportebat ex melioribus & pluribus ei nomine imposito, appellare Eucharistiam. Ita enim etiam homo dicitur animal ratione præditum, licet sit alicuius particeps quod caret ratione, vt qui à meliori & maiori parte vocetur. Et maxime quia primus qui id ostendit, Dominus noster Iesus Christus, non supplicans, sed solum patri agens gratias, hoc mysterium porrexit & tradidit; & ea de causa, quod illud esse accepit, hoc vocat, Eucharistiam nominans. *Et hæc quidem hætenus.*

*Neq; gratiarum tantum actiones præsentē hoc sacramento fiebant, sed & omnis gratiæ omnium rerum necessariarum impetrationes etiam ab angelis instituebantur. Narrat hæc Chrysostomus:* Tempore illo mi frater charissime, non solum homines clamorem illum horribilem reddunt, sed etiam Angeli Dño genu flectunt, & Archangeli rogant, habent sibi tempus id idoneum, habent sacram illam oblationē in fauore. Itaque vt homines ramos olearum gerentes mouere reges consueuerunt: eoq; arboris genere misericordiam commemorant & humanitatem: sic Angeli tunc pro ramis oleaginis corpus Domini ipsum protendentes, rogant pro genere humano, quasi dicant; Pro his domine rogamus, quos  
tu adeo

*Homil. 3. de in  
comprehensi-  
bili Dei natu-  
ra, contra A-  
nomæos.*

tu adeò dilexisti, vt pro eorum salute mortem obires, animam in cruce efflares : pro his supplicamus, pro quibus ipse tuum largitus es sanguinem: pro his oramus, pro quibus corpus hoc immolasti. Agitato quoque ob eam rem diaconus tempore illo adducit, & iubet caput inclinare, cum eos vnà cum fratribus orare non liceat, adducit eos, vt tu miseratus, & quia tam acerbè vexantur, & quia vocem reddere nequeunt, tua facultate ad eorum vtaris de fensionem & auxilium.

*Idem Chrysostomus* : Gratiam reddam, si vos docuero, quamobrem illa præ cæteris oratio solet fieri, & cur homines dæmone agitados, & furore accitos teterrimo adduci tempore illo & capita inclinare iubet diaconus. Qua de causa igitur agitur ita dicam. Vnicula per quàm praua & grauia agitatio dæmonum est : vincula enim ferro validiora. Vt itaque tempore instante, quo iudex prodire, & pro tribunali sedere solitus est: custodes carceris homines quos in vinculis tenent, omnes carcere educunt & pro cancello septisque fori collocant squalentes, sordentes, coma expletos nimia, \* vt cum breui Christi panis miser-  
 stum velut pro tribunali sedere, in ipsisque sacramentis rimè obductos  
 apparere futurum esset, homines dæmone sic patres stantuerant,  
 agitati illi tanquam vinculis quibusdam retenti adducerentur, non vt rerum quas commisissent, examen subirent modo eorum qui in vinculis sunt, nec

E ñ

vt lue-

*Homilia 4.  
cōtra eosdem  
Anomoeos.*

vt luerent poenas, & supplicio afficerentur: sed vt populo vniuersaque ciuitate præfente, communes pro his fierent supplicationes, vt omnes iugi concordia Dominum communem orarent pro his, & quod misereretur, magno clamore contenderent.

*Gregorius Nazianzenus oratione in laudem sororis suæ Gorgoniæ.*

*Testatur Nazianzenus hoc idem:* Egro erat corpore (soror videlicet) pessimeque affecto, ac moribus insolens erat & prodigiosus. &c. Desperatis aliorum omnium auxilijs ad mortaliū omniū Medicum confugit, noctisque intempesta caligine obseruata, cum leuius aliquantò morbus vrgeret, ad Altare cum fide procumbit, eumque qui super illud colitur, cū magno clamore obtestans, omnibusque nominibus appellans, atque omnium rerum, quas vnquam mirificè gesserat, commonefaciens (nam vtriusque testamenti historias callebat) tandem pia & præclara quadam impudentia effertur. Eam quæ Christi fimbria sanguinis profluuium compreferat, imitatur. Quidque fecerit, audite. Caput cum pari clamore vberimisque lachrymis (mulierculæ illius instar, quæ olim Christi pedes irrigârat) altari ad-mouens nec se ante ab eo discessurâ minitans, quam sanitatem consecuta fit, ac deinde hoc suo pharmaco totum corpus perungens, ac sic vbi quidpiam fignorum preciosi corporis, aut sanguinis manus cōdiderat, id lachrymis admiscens (ô rem admirandam) protinus liberatam se morbo sentit, atque & corpore



corpore & animo & mente leuis abscedit, hanc spei mercedem consecuta, vt quod sperauerat obtineret, animæque firmitate corpori firmitatem compararet. Bernardus comitem sola præsentatione sacramenti vicit atq; strauit, & cætera innumerable talia in dies his qui rectam fidem habent eueniunt. In huius enim Christi nomine qui in hoc est altari, omnia à patre impetrari ipse filius docet. Quidquid petieritis <sup>10 annis 14.</sup> patrem in nomine meo, dabit vobis. Quæ cum ita sint iam supradicta scandala, conuicia, accusationes vel sua sponte ruunt. Negat Calvinus adorandum esse hoc sacramentum. Primum quod hinc absit præsentia Christi. Deinde, si adsit, tamen hanc cum diuinitate coniunctam esse nobis non constare. Negat Calvinus; Ait Christus Dominus: tu vide, seruo ne potius credas, an hero: In quo videre est miras diaboli artes, miram inconstantiam qui quamquam calidus sit artifex, nec tamen sibi coheret. Dum Calvinus vult negare præsentiam corporis Christi, dicit, quia caro non prodest quidquam: verba quæ dixi, spiritus & vita sunt. Dum deinde vult negare adorationem, carnem commendat Deum & spiritum negat sic falsum nunquam sibi coheret. Figuri inquit est non res ipsa dicit Calvinus, negat Christus: non sicut patres vestri manducauerunt manna in deserto & mortui sunt: qui manducat panem hunc viuet in æternum. Patres, inquit, vestri manducauerunt figuras & mortui sunt, hæc,  
E ij inquit,

inquit, est veritas, & ideo qui manducat me, vivet propter me. Periculum esse dicebat Lutherus atq. Melancthon, ne simul panis vel saltem eius accidentia adorentur. Nihil nunc dico de istorum impanatione, neque enim res presentis est negocij, & veritas dicit: hic est panis qui de cælo descendit non de terra. Illud quaero cur non item timeant quando Christum super omnes cælos constitutum (si quidem hoc aliquando faciunt) subleuatis oculis adorant, ne simul cælos cælorumq. orbem adorent: Aut quomodo Moyses non timebat ne rubum simul ardentem adoraret; aut Ioannes ne uterum matris aut emorroyssa, ne vestimenta quæ tangebatur. Nam & hæc accidentia panis & vini nihil aliud sunt, quam involucra quædam & vestimenta latentis Iesu Christi: Effugia igitur hæc sunt non argumenta. Extra, inquit, usum sacramentum non est, quis hoc dicit? Lutherus fortasse, aut Philippus? quis alius? nemo. quæ scriptum suffulti? nulla. quo ex antiquis autore? nemine. quod ergo verbo affirmatur, verbo rejicitur. Atqui contrarium dicit, una sancta Catholica & Apostolica Ecclesia, quæ est columna & firmamentum veritatis. Ut enim apud Israeliticum illum populum, tam in deserto, quam in ipso Salomonis templo, habitabat gloria Domini super Cherubin, quæ præcedebat & deducebat populum illum, unde cum eleuabatur arca, cantabat populus: Surge Domine & dissipentur inimici tui, & fugiant qui oderunt te à

te à facie tua: Cùm autem deponeretur canebat, reuertere ad multitudinem exercitus Israel: ita nunc in hac peregrinatione nostra gloria Iesu Christi, atq; adeo ipse Iesus Christus, in hac arca templi nobiscum perenniter commonari putandus est, verbum enim eius manet in æternum, usus momentaneus est. Alia dicunt Sacramenta non adorantur: quia dominum sacramentorum non continent, sed solam eius gratiam præseferunt. Præclare siquidem magnus ille in diuinis Dionysius hoc sacramentum triplici ex parte alia sacramenta superire docuit, vel quòd in illo ipse Christus contineatur, commune bonum totius Ecclesiæ, in alijs autem virtus quædam participata ab ipso Christo Domino; vel quòd alia omnia comparata sunt, ad illud tanquam suum finem; vel quòd omnia in illo consumantur: indeq; finis & consumatio omnium sacramentorum ab eodem dicitur. Sed isti rerum modos & differentias non norunt. Manducatione est colendum, non veneratione aiunt: Hoc oportebat facere, illud non prætermittere: dicebat in simili causa Christus Dominus: imo ipse Deum hominesq; testor, non melius nec efficacius coli quàm usu & frequenti communionem: In quo equidem summè reprehendenda est nostri, vel ignavia vel ingratitudo. Adcò Dominum nostrum non obseruamus, adcò illi non seruimus, ut ne ad mensam quidem eius spontè venire velimus, nisi paenis & excommunicationibus adacti: ô supinâ, negligentia, ô

aniam



animam beneficij tanti immemorem: Non, inquit, eo fine est in sacramento, vt colatur sed vt manducetur: neq; eo fine aut instituto fuit in utero, in præsepio, in naui vt honoraretur, tamen cultus est: At nonnunquam in fœdis & fœtulentis, tam locis quam animantibus reperitur, vestro vicio & impietate, Deo vero nihil fœdum, nihil fœtulentum est, præter ventrem peccatoris, & tuum istud os impudens. Sursum inquit corda tenenda, quis dubitat, idem enim Christus qui sursum est, hîc colitur: Nusquam inquit scriptum, nusquam imperatum est, vt colatur. Imperatum vero: Dominum Deum tuum adorabis, & illi soli seruias. Sed neq; Apostolis imperatum fuit, vt ascendentem in cœlos adoratione prosequerentur, neq; pastoribus vt in præsepio, non Magis, vt in cunis illum venerarentur. Sed isti more ignauorum seruorum, ex præscripto Deo seruire volunt. Obstructum est igitur os loquentium iniqua, blasphemia contra domum Dei sublata, pudor & fides vnicæ sponsæ Iesu Christi vindicatus, ac ille cultus qui idololatria esse putabatur, vera Christi latría, atque adeo Theoseuia esse est demonstrata; istorum autem malicia, improbitas, calumnia, ac mem erga Christum, & eius sponsam impietas conuicta & retrusa, qui non tantum ipsi hoc sacramentum non adorant, sed etiam alios qui hoc agunt grauissimis conuicijs incesunt; parum est hoc sed ultra fœdissimis maledictis tantum mysterium proscindunt. Neq; hîc consistunt, sed ex altari-

taribus,

taribus, quæ antiquitas Sanctæ sanctorum Cathedrum Christi; Tronum Dei, Requiem, Propitiationem, Magni sacrificij officinas, Christi monumenta, eius gloriæ tabernacula appellare solebant: effræni & incircuibili audacia deiiciunt, pedibus nefandis conculcant, canibus etiam porrigunt: ô tempora, ô mores? aspiciasne hæc æquis oculis, IESU CHRISTE, & si aspicias, cur non vindicas? an benignitate & longanimitate tua eos ad pœnitentiam prouocas? an iam amplius illos, qui extremus furor tuus est, quæ summa pœna, hic illos punire non vis? Tuæ enim illæ sunt voces; In quo amplius percutiam vos, item amplius non percutiam vos. Et non visitabo, inquit, super filias vestras, cum fuerint fornicatæ: & super nurus vestras, cum adulterauerint? Nam quorum aliquando misereri vis de his illud dicis, visitabo in virga filios eorum, verumtamen misericordiam meam non auferam ab eis. An indignos miraculo putas, ne forte conuertantur & uiuant? An præstolaris ut compleatur mensura malitiæ eorum; An illud expectas dum hic Rex Stephanus aliq; Christiani Principes tuam aliquando, ex istis vindicent iniuriam? Verum quæ tandem causa est, cur tantum, tantòq; pere eam adorationem impugnât Diabolus? an ut Christi cultu sublato, ipse in aliquo visibili idolo colatur, homo enim aliqua re visibili in qua occupetur opus habet. Deinde quod facile videt, quod quamdiu publicè CHRISTUS in hoc

F

sacra-

sacramento colitur, tamdiu veritas corporis & sanguinis Christi contra omnes hæreticos vindicatur, neq; alio modo hæc res efficacius asseri, & demonstrari ac quasi oculis subijci potest. Vnde isti ubi primum eam adorationem sustulerunt, statim eodem tempore veritatem ipsam corporis & sanguinis amiserunt. Deinde quod animaduertat, quamdiu hoc sacramentum adoramus, tamdiu contra omnes hæreticos Christum Dominum verum Deum & hominem confitemur, tamdiu hanc ipsam confessionem extinguere non posse: Ut cum dixerint nobis filij nostri, quæ est ista religio, cur hic panis circumfertur cur adoratur? Respondemus illis. Corpus & sanguis Iesu Christi verus hic est, hic autem Iesus Christus verus Deus & homo fuit, ita ut nunquam pereat eius rei memoria de ore hominum. Vnde isti exclusa sacramenti adoratione Dei & hominis, confessionem excluderunt. Videt denique diabolus in hoc beneficio omnia Christi adorari beneficia, quorum memoriam ille extinguere penitusq; abolere nititur. Magna igitur hæc sunt arcana, magna mysteria, sed homo animalis non intelligit ea quæ sunt spiritus. Non ipsum autem solum diuinæ Eucharistiæ sacramentum in eo honore quo dictum est habebatur, sed vasa etiam ipsa sacra, atq; altaria, pro sanctissimis colebantur, atq; instar reliquiarum honorabantur.

Homil: 36. in  
prioriorem Epi- Patet hoc ex Constitutionibus Apostolicis, patet ex in-  
funtis locis D. Chrysostomi, patet ex Optatio: Cuius  
illa



*illa pulcherrima verba sunt.* Quid, inquit, tam sacri-  
legum (reprehendens Donatistas) quàm Dei alta-  
ria, in quibus & vos aliquando obtulistis, frangere,  
radere, remouere, in quibus & vota populi, & Chri-  
sti membra deportata sunt?

*Stollā ad Cor.*

*Homil: 20. in  
posteriolem.*

*Homil: 24. ad  
Ephesios.*

*Hom: 53. & 65.*

*Quæ autem mensura & quis modus laudis & ado-  
rationis huius mysterij esse debeat, præclare docet Ma-  
gnus huius sacramenti amator & assertor D. Thomas  
cuius ego ingenium, iudicium, cruditionem, vitæ san-  
ctitatem, omnium nouatorum qui sunt, fuerunt, na-  
scenturq; ex illis ingenijs, iudicio, cruditione, vitæ de-  
nique integritate libenter antepono.*

*ad Populum  
Antioche.*

*Et Optatius  
lib: 6. contra  
Parmenianū.*

Quantum potes, inquit, tantum aude, quia ma-  
ior omni laude, nec laudare sufficit.

Sit laus plena, sit sonora, sit iucunda, sit decora,  
mentis iubilatio. &c.

*Modum verò & rationem eius cultus & adonati-  
nis habent suum Ecclesiæ orientales, habent & occi-  
dentales; occidentales illū amplexæ sunt, qui & sacræ  
scripturæ vicinior, & Christo in eius vita fuit charissi-  
mus, & pro quo ipse aliquando mirum in modum con-  
tra inuidos scribas & Phariseos pugnavit; cum scili-  
cet, quem in die Palmarum pueri hebræorum illi ma-  
gnificè præstiterunt. Præcedebat ibi turba & seque-  
batur aduocientem Dominum; præcedit & sequitur,  
hic, vestimenta sua sternebat in via; sternit & nunc:  
ramos de arboribus in occursum eius projiciebat; proj-*

*F ij*

*cit &*

*cit & nunc: flores fundebat, fundit & nunc. Adde Davidicam Cytbaram, Tympanum & chorum, ut omnis spiritus laudet Dominum. Adde & Mariæ Magdalene unguenta & suffitus preciosos. Lampades item ardentes cum prudentibus virginibus, quæ obuiam prodierunt sponso & sponse. Non sunt hæc, inquit, præcepta à Domino: ne pueris quidem illis tum præcepta fuerunt, quin quantò magis ne id facerent arcebantur, tantò magis effuse & alacriter id faciebant: Verùm de cultu & adoratione huius sacramenti ita ut proposuimus hætenus.*

*Quo in loco duo genera hominum priusquam causam totam concludo, sunt mihi seriò cõmonenda. Primum istud modernorum religionis Christianæ deformatorum, aut potiùs euersorum, ut secum diligenter etiam atq; etiam cogitent, quid agant, ubi locorũ sint, quò tendant. Illudq; inprimis Pauli attentius secum perpendant. Irritam quis faciens legem Moysi, sine ulla miseratione duobus vel tribus testibus moritur, quantò magis illum putatis mereri supplicia, qui filium Dei conculcauerit, & sanguinem testamenti pollutum duxerit, in quo sanctificatus est & spiritui gratiæ cõtumeliã fecerit? Quomodo enim illi Christum clarè non conculcant, quomodo sanguinem testamenti non pollutum ducunt, dum tantum sacramentum tot blasphemijs proscindunt, dum toties ex altaribus deiciunt, dum aras sacras euertunt, atq; confringunt. Deinde ex-*  
pendant

Heb. 10.

pendant et illud diligenter Salomonis. Qui affligit patrem & fugit matrem ignominiosus est et infelix. Oculum qui subsannat patrem, & qui despicit partum matris suæ, effodient eum corui de torrentibus, & comedent eum filij aquilæ. Qui maledicit patri suo & matri extinguetur eius lucerna, in medijs tenebris. Isti verò non solum matrem suam, sponsam autem Christi affligunt, nò solum fugiunt illiq; subsannant, atq; eam despiciunt, sed etiam quod improborum est filiorum, pudorem eius in dubium vocant spiritualement, fornicariam atq; adulteram denominant. Quod si illa adultera qui tandem illi filij, nam ex illa se natos esse negare nò possunt? Noli, inquit, gloriari in ignominia patris tui, neq; enim tibi tam gloria quàm probum est, & si sensum amisit veniam habe. Ideò ignominiosi sunt, ideò corui spirituales depascunt illos, ideò extinctum est lumen veritatis lucernæ illorum. Postremò illud secum reputent, graue & inhumanum esse malum calumnie in honesta fœmina, pudoris & honestatis præsertim, tamq; ipsi quàm eius sponso, triste & per acerbū: & quod Deus acer absconditorum inspector vehementer vindicare solet. Apparuit hoc in Susanna honestissima fœmina, cuius illæ sunt plenæ acerbitalis voces: Deus æternæ, qui absconditorum es cognitor, qui nosti omnia antequam fiant, tu scis quoniam falsum testimonium tulerunt contra me: & ecce morior, cum nihil horum fecerim, quæ isti maliciose composuerunt

Prouer: 19.

Idem 29.

Ibidem 2.

Eccle: 3.

Daniel. 13.



aduersum me. Exaudiuit autem Dominus vocem eius: & saluatus est sanguis innoxius in die illa. Quod si Deus Susannæ calumniam tantopere in perditis illis senibus vindicauit, quantò magis contumeliã sponse filij sui, matris quondam istorum Ecclesiæ suæ propterea vindicabit, cuius quidem plagæ ac vindictæ iam magna in illis extant indicia. Vt enim impudici et scelerati illi senes nusquam sibi coherere, nusquam secum cõuenire in exitium innocentis illius fœminæ potuerunt; ita isti nunquam aut inter se, aut ipsi secum concordare esse possunt.

Secundum genus hominum est, nostri parùm morati catholici, qui in eo turpius delinquant; quod cum certò sciant sibiq; persuadeant, in hoc sacramento verum Deum & hominem contineri; veniunt tamen in conspectum eius, mente et animo polluti, corpore fœdi, oculo impudenti, ore ebrio, lingua loquaci, ventre ructante, gestu insolenti, incessu tumido, & perfractò, veste scurrili & impudica, sonipedes, cum cohortibus, fustibus, gladijs, & armis, ut quondam Iudei ad capiendum eundem Christum venisse leguntur. Canibus, accipitribus, scurris deniq; & histrionibus, comitati: ac demùm quasi insalutato hospite, terga vel latera contra Deum suum obuertunt, ac varijs clamoribus & insolentijs complent omnia. Quod si hæc in laicis ferenda non sunt; quantò in templi & eius sacramentorum ministris, in sacerdotibus, inquam, minus ferenda erunt.

runt. *Quàm autem id præclare faciant, audiant*  
**CHryſoſtomum**: Caterum, vt his tunc succensui, *Homil: 4. con*  
 qui orationem huiusmodi negligerent, forisq̃ue *tra Anomæos*  
 tempore eo verſarentur: ſic in præſentiarum his qui  
 intus circūſtant, ſuccenſendum vtique reor, non quia  
 intus manent, ſed quòd cum eo quo debent, mane-  
 ant loco, nihilo meliùs afficiuntur, quàm qui foris  
 euagantur. Diſputant enim inter ſeſe, & aut iocan-  
 tur, aut negocia tractant tempore illo perhorren-  
 do. *Et paulò poſt*: Haud illa Diaconi exhortatio  
 recti còſtantisq̃ue fruſtrà & ſine cauſa inſtituta ſan-  
 citaq̃ue eſt: ſed vt noſtras repentes humi cogitati-  
 ones erigeremus. &c. Cogita apud quem proximè  
 ſtas, quibus cum inuoces Deum, ſcilicet cum Che-  
 rubin, cum Seraphin, cum omnibus cœli virtutibus:  
 animaduerte quos habeas ſocios: ſatis hoc tibi ſit  
 ad ſobrietatem, cùm recordaris te corpore conſtan-  
 tem, & carne coagmentatum, admitti cum virtuti-  
 bus incorporeis commendare omnium Dominum.  
*Hæc Chryſoſtomus*: *Non fuit ea irreuerentia an-*  
*tiquitus, nam neque infideles, neque catechumeni,*  
*neque aliquo lethali peccato contaminati buc admit-*  
*tebantur, ideoq̃; quando proferri debebat, illi qui ta-*  
*les erant foras excludebantur, illudq̃; à diacono ma-*  
*gna voce pronuntiabatur: SANCTA SAN-*  
*CTIS. De eius autem ſacri arcani myſterijs, nemo*  
*niſi ſacer, myſtes atque ſacerdos, aut dicere aut do-*  
*cere*

cere quicquam poterat: dumq; tam honorificè tractabatur, tum & dona admiranda, curationum, inquam, linguarum, prophetiæ, aliq; plurima homines illi inde prolixè referebant, & consolationibus nouis perfundeabantur? Nunc ijdem eximus de templo, qui ingredimur, & utinam idem & non deteriores.

Cogitate igitur vos nunc in conspectu eius consistere, ante cuius tribunal aliquando stabitis, omnium dictorum & factorum vestrorum, & eius ipsius cultus & reuerentiæ rationem reddituri, & à quo vel æternam salutem vel damnationem expectatis. Aspergite cinere capita vestra, & adorate scabellum pedum eius quoniam sanctum est.

TV quoque Magnanime Rex, accipe lucernam, testem castæ & intemeratæ fidei tuæ, ac cum ista innata tibi modestia & mansuetudine quæ te magis, quàm aut hæ ipsæ gemmæ, aut hæc purpura exornat, Christo tuo qui te vnxit, participemque Regni & imperij sui fecit: prodi obuiam, sequere seruus Dominum, subditus Regem, creatura creatorem tuum. Ridebit te credo filius Belial: risit & Michol Dauidem ante arcam saltantem: at magnifice Dauid eum risum contempsit.


2. Reg: 6. Vluit DOMinus, quia ludam ante DOMinum, qui elegit me potius quàm patrem tuum, & quàm omnem domum eius; & præcepit mihi, vt essem dux super omnem populum Domini in Israel, & ludam & vilior




& vilior fiam, plusquam factus sum, & ero humilis in oculis meis, & cum ancillis de quibus locuta es.

Eundem sensum tu accipe, quantò enim vilior & humilior in oculis tuis fueris, tantò maior & admirabilior apud Deum & mortales omnes apparebis. Tu verò bone pastor, panis vere, Iesu nostri misere: tu nos pascere, nos tuere, tu nos bona fac videre in terra viventium. Amen.

*Oretur Deus pro ægro capite Authoris.*












Biblioteka Jagiellońska



stdr0030577



